

**803** Des gezeltet winden nam man abe.  
 der künec sprach: »wederz ist der knabe,  
 der künec sol sîn über iwer lant?«  
 al den vürsten tet er dâ bekant:  
 5   Waleis unt Norgals,  
     Kanvasleiz unt Kingrivals  
     der selbe sol mit rehte hân,  
     zAnschouwe unt in Bealzenan.  
     kom er immer an mannes kraft,  
 10   dâr leistet im geselleschaft.  
     Gahmuret mîn vater hiez,  
     der mirz mit rehtem erbe liez.  
     Mit sælde ich geerbet hân den Grâl.  
     nû enpfâhet ir an disem mâl  
 15   iweriu lêhen von mîme kinde,  
     ob ich an iu triwe vinde.«  
     Mit guotem willen daz geschach.  
     vil vanen man dort vüeren sach.  
     dâ lihen zwô kleine hende  
 20   wîter lande manec ende.  
     Gekrœnt wart dô Kardeiz.  
     der betwanc ouch sider Kanvasleiz  
     unt vil des Gahmuretes was.  
     bî dem Plimizœl ûf ein gras  
 25   wart gesidel unt wîter rinc genomen,  
     dâ si zem brôte solden komen.  
     Snellîche dâ enbizzen wart.  
     daz her kêrte an die heimvart.  
     diu gezelt nam man elliu nider.  
 30   mit dem jungen kûnege si vuoren wider.

man nam des g. w. abe. \*G (\*T)

al om. \*G \*T

sol (om. U) von r. \*G \*T

Antschowe unde Belzanan. \*G

kunt er \*T (I) · iemer in m. kr., \*G

leist ich im \*G (ohne Z) (\*T)

iwer \*G (\*T)

man dâr v. s. (da Gesach I) \*G \*T

vil, daz G. \*G (ohne G) \*T

ûf daz (dem Z) gr. \*G (nur G)

er kêrt an die h. \*G (nur GI) · daz volc k. an die h. \*T

si kêrten (kertens L) w. \*G \*T

\*D: D \*m: m V \*G: G I L (ohne 803.11–20) Z \*T: U

1 Initiale D L Z U 2 Initiale G 11 Initiale I 13 Majuskel D 17 Majuskel D 21 Initiale V · Majuskel D 27 Majuskel D

4 dâ] om. \*m 5 daz er Wals ([\*]: waleiz V) und Norgals, \*m 7 Versfolge 803.8–7 \*m · von rehte solte hân. \*m 8 Anschouwe und Bealtzenan ([\*]: bealsenan V) \*m 10 leistet] leisten \*m (nur m) 15 iweriu] iuwer \*m 20 manec] vil manic \*m (nur m) 24 ein] daz \*m (nur m) 25 unt] om. \*m 28 heimvart] hinvar \*m (nur m)